

„Federalno ministarstvo poljoprivrede, vodoprivrede i šumarstva“, ul. Marka Marulića br. 2, Sarajevo, koje zastupa mr.sci. Šemsudin Dedić, ministar (u daljem tekstu: Naručilac), s jedne strane

i

„FORTUNA TOURS“ d.o.o. Mostar, ul. Rade Bitange br. 34, koju zastupa dipl. oec. Mili Bijavica, direktor (u daljem tekstu: Dobavljač), sklapaju

OKVIRNI SPORAZUM

o nabavi hotelskog smještaja u zemlji i inostranstvu - pružanje usluga posredovanja u rezervaciji hotelskog smještaja u zemlji i inostranstvu

I UVODNE ODREDBE

Član 1.

Strane u Okvirnom sporazumu saglasno konstatuju:

- da je Naručilac proveo postupak javne nabavke u skladu sa članom 8. Zakona o javnim nabavkama Bosne i Hercegovine ("Službeni glasnik BiH» broj: 39/14) i Pravilnika o postupku dodjele ugovora o uslugama iz Aneksa II. dio B Zakona o javnim nabavkama Bosne i Hercegovine ("Službeni glasnik BiH» broj: 104/14), sa ciljem zaključivanja Okvirnog sporazuma sa jednim ponuđačem na period od jedne godine od datuma obostranog potpisivanja.
- da je Naručilac je Odlukom o izboru najpovoljnijeg ponuđača broj: 10-14/5-219-6-6/17 od 27.04.2017. godine ponudu odabranog Ponuđača broj: 09/2017 od 18.04.2017. godine ocijenio najboljom za sklapanje ovog Okvirnog sporazuma,
- ovaj Okvirni sporazum predstavlja obavezu Naručioca na izdavanje narudžbenice,
- obaveza nastaje izdavanjem pojedinačne narudžbenice, na osnovu ovog Okvirnog sporazuma.

II PREDMET OKVIRNOG SPORAZUMA

Član 2.

Predmet nabavke su neprioritetne usluge iz Aneksa II Dio B Zakona o javnim nabavkama i to nabavka hotelskog smještaja u zemlji i inostranstvu – pružanje usluga posredovanja u rezervaciji hotelskog smještaja za potrebe Federalnog ministarstva poljoprivrede, vodoprivrede i šumarstva, po najpovoljnijim tržišnim uslovima, a uz poštivanje svih normi kvantiteta, kvaliteta, te u skladu sa uslovima iz tenderske dokumentacije broj: 10-14/5-2019-6-1/17, ponudom Dobavljača, tehničkom specifikacijom iz tenderske dokumentacije, odredbama ovog Okvirnog sporazuma i stvarnim potrebama Naručioca.

III VAŽENJE OKVIRNOG SPORAZUMA

Član 3.

Okvirni sporazum se zaključuje na period od 1 (jedne) godine od dana obostranog potpisivanja i do vrijednosne realizacije Okvirnog sporazuma iz člana 4. ovog okvirnog sporazuma.

IV VRIJEDNOST OKVIRNOG SPORAZUMA, CIJENE U OKVIRNOM SPORAZUMU I NAČIN PROMJENE CIJENA

Član 4.

Ukupna vrijednost ovog Okvirnog sporazuma iznosi **17.550,00** KM bez PDV-a, odnosno **17.728,50** KM sa uključenim PDV-om.

Račun za izvršenu uslugu se smatra ugovorom.

Ukupna plaćanja na osnovu svih narudžbenica izdatih na osnovu Okvirnog sporazuma ne smiju preći procijenjenu vrijednost predmeta nabavke u toku trajanja ovog Okvirnog sporazuma.

Agencijska naknada za usluge rezervacije je fiksna tokom cijelog perioda važenja Okvirnog sporazuma.

U cijenu usluge su uračunati svi pripadajući troškovi neophodni za realizovanje ugovora o javnoj nabavci.

V NAČIN I USLOVI IZDAVANJA POJEDINAČNIH NARUDŽBENICA

Član 5.

Nakon zaključenja Okvirnog sporazuma, kada nastane potreba Naručioca za predmetom nabavke, Naručilac će zahtjev za hotelski smještaj uputiti Dobavljaču u pisanoj formi (putem e-maila ili faxesa).

Dobavljač se obavezuje:

- da po prijemu zahtjeva za svaku traženu destinaciju ponudi najekonomičniju cijenu, odnosno da ponudi najmanje 2 opcije hotela (u zemlji ili inostranstvu) za traženi grad ili mjesto, pod uslovom da isti postoje za određeni grad ili mjesto;
- da tražene informacije dostavi u pisanoj formi (putem e-maila ili faxesa) u roku 2 (dva) sata od prijema zahtjeva;
- da obezbijedi rezervaciju hotelskog smještaja za svaku traženu destinaciju, grad, mjesto;
- da putem e-maila dostavlja ponude direktno iz sistema, na kojoj je naznačena cijena hotelskog smještaja, naziv hotela i broj zvjezdica sa kojim hotel raspolaže.

Naručilac vrši izbor za njega najprihvatljivije opcije hotelskog smještaja, te potvrđuje rezervaciju (odabir jedne od ponuđenih opcija) u pisanom obliku (putem e-maila ili faxesa). Dobavljač zvanično obavlja rezervaciju hotelskog smještaja nakon prijema pisane potvrde rezervacije i narudžbenice (putem e-maila ili faxesa) od strane Naručioca.

Minimalan broj zvjezdica za hotel je 3, dok je maksimalan 5.

Naručilac je dužan prilikom pojedinačnih zahtjeva navesti od koliko zvjezdica se traži hotel.

VI USLOVI I ROK PLAĆANJA

Član 6.

Dobavljač će ispostavljeti račun u KM (konvertibilnim markama) u roku od 7 (sedam) dana od dana realizacije narudžbenice.

Račun će obavezno da sadrži:

1. neto cijenu hotelskog smještaja,
2. agencijsku naknadu,
3. druge troškove ukoliko postoje.

Uz račun Dobavljač će dostaviti sve opcije za hotelski smještaj, potvrdu rezervacije i kopiju narudžbenice.

Naručilac će plaćanje izvršiti na račun dobavljača u roku od 60 (slovima: šezdeset) dana od dana prijema ispravnog računa sa pratećom dokumentacijom i to na transakcijski račun Dobavljača broj: 555000022091186 otvoren kod Nova banka AD Banja Luka.

VIII VIŠA SILA

Član 7.

U slučaju da jedna ugovorna strana ne može djelimično ili u potpunosti ispuniti svoje obaveze zbog više sile, dužna je o tome odmah pismeno obavijestiti drugu stranu. Strana koja snosi posljedice više sile, dužna je na zahtjev druge strane dokazati da je nemogućnost ispunjenja nastupila bez njihove krivice. Pod višom silom podrazumijeva se događaj koji se nije mogao predvidjeti u trenutku sklapanja okvirnog sporazuma i na koji ugovorne strane objektivno ne mogu i nisu mogle utjecati niti su ih mogle predvidjeti niti spriječiti. Ako viša sila traje duže od 30 (trideset) dana, uslijed čega je otežano ili onemogućeno ispunjavanje ugovornih obaveza, svaka ugovorna strana može raskinuti Okvirni sporazum.

IX POSEBNE I ZAVRŠNE ODREDBE

Član 8.

Sporazumne strane mogu raskinuti Okvirni sporazum i prije njegove same realizacije ukoliko se jedna od strana ne bude pridržavala njegovih odredbi, uz prethodno izmirenje svih obveza utvrđenih po ovom Sporazumu. Otkazni rok po ovom Okvirnom sporazumu je 15 (petnaest) dana, a po isteku ovog roka, Okvirni sporazum se smatra raskinutim, a o otkazu sporazumne stranke se obavještavaju pismenim putem.

Član 9.

Za sve što nije regulisano ovim Okvirnim sporazumom primjenjivaće se odredbe Zakona o obligacionim odnosima kao i drugih propisa koji regulišu ovu materiju.

Član 10.

Ugovorne strane su saglasne da sva sporna pitanja u vezi sa ovim Okvirnim sporazumom rešavaju sporazumno. Za eventualne sporove koji ne budu riješeni mirnim putem nadležan je Općinski sud u Sarajevu.

Član 11.

Ovaj Okvirni sporazum je sačinjen u 5 (pet) istovjetnih primjerka, 3 (tri) za Naručioca, 2 (dva) za Dobavljača.

Član 12.

Ugovorne strane su saglasne da su ovaj Okvirni sporazum pročitale i razumjele, te ga u znak saglasnosti potpisuju.

DOBAVLJAČ

fortuna trade TOURS d.o.o.

Mili Bijavica, direktor

Broj: 10/2017

Sarajevo, 14.05.2017. godine

NARUČILAC

Federalno ministarstvo poljoprivrede,
vodoprivrede i šumarstva

1
mr.sci Šemsudin Dedić, ministar

Broj: 10-14/5-219-6-7 /17

Sarajevo, 19.05.2017. godine

PRILOZI koji su sastavni dio Okvirnog sporazuma:

1. Ponuda broj: 09/2017 od 18.04.2017.godine